

1893

on computer

HEMIPTERA NOVA AFRICANA.

DESCRIPSI

Dr. G. HORVÁTH, Budapestinensis.

FAM. PENTATOMIDAE.

✓ 1. NIAMIA n. g.

Corpus latissime ovatum, supra sat fortiter convexum, subtus planum. Caput foliaceum, transversum, latissimum, pronoto circiter dimidio brevius, modice declive, apice late truncatum; jugis tylo circiter duplo longioribus et ante hunc valvantibus; vertice oculis plus quam duplo latiore. Ocelli inter se quam ab oculis minus longe distantes. Antennæ ab oculis longe remotæ. Pronotum capite vix plus quam quarta parte latius, lateribus foliaceis, rotundatis, deorsum productis. Scutellum retrorsum distincte ampliatum, marginibus lateralibus fere rectis, utrinque pone medium angulum fere rectum formantibus, marginibus posticis rotundatis. Segmentum ventrale sextum feminarum antice rotundatum. Tibiæ tarsis longiores.

Generi *Plataspidi* Wesrw. proxima, corpore autem minus convexo, pronoto capite paullo latiore scutelloque utrinque pone medium distincte angulato divergens.

✓ NIAMIA ANGULOSA n. sp.

Testaceo-flavescens, nitida, supra distincte nigro-punctata; capite, pronoto dimidioque basali scutelli dense et minute subacervatim nigro-punctatis; scutello pone medium punctis majoribus remotis et maculis irregularibus hic illic confluentibus nigris adperso; margine antico pronoti utrinque pone oculos subsinuato, angulis anticis obtusissime rotundatis, deletis. ♀. Long. 10, Lat. pronoti 6 1/2, Lat. max. scutelli 9 1/2 mill.

Niam-Niam; communie. Dom. L. DUDA.

✓ 2. POLYTODES n. g.

Corpus ovale, superne sat fortiter, subtus modice convexum, glabrum. Caput triangulare, apicem versus sensim angustatum, marginibus lateralibus fere totis acutis, prope oculos leviter sinuatis, apicem versus leviter rotundatis; tylo prominulo. Antennæ breviusculæ, articulo primo apicem capitibus haud attingente, articulo secundo tertio paullo brevior.

catalogued  
 typed rec.

Rostrum paullo pone coxas posticas extensum, articulis tertio et quarto æquilongis, secundo brevioribus. Pronotum sexangulare, basi retrorsum convexo-declive, marginibus lateralibus anticis rectis anguste reflexis, angulis lateralibus paullo prominulis, angulis posticis deletis, obtuse rotundatis. Scutellum maximum, basi antrorsum convexo-declive et margine postico recto pronoti latius, prope angulos basales haud impressum, pone medium angustatum et sensim declive, parte coriacea hemelytrorum nonnihil angustius. Prostethium antice leviter dilatatum, parte dilatata rotundata, basin antennarum haud occultans. Sterna sulcata. Ostia odorifera rotundata, in sulcum haud continuata, æque longe a coxis et a marginibus lateralibus metastethii remota. Venter lateribus planus, margine acutus. Tibiæ superne sulcata.

Genus hoc novum subfam. Scutellerinorum a genere americano *Polytes* STRÅL, cui simillimum, divergit pronoto scutelloque basi haud conjunctim convexis, sed illius basi retrorsum et hujus basi antrorsum distincte convexo-declivibus, quod optime distinguitur, si insectum a latere inspicias.

✓ POLYTODES OCHRACEUS n. sp.

Supra pallide ochraceus, dense subtiliterque punctulatus, opacus; capite latitudine sua inter oculos nonnihil longiore, vittis duabus percurrentibus mediis, marginibus lateralibus maculaque basali utrinque ad oculos nigris, in certo situ cæruleo-nitentibus; antennis nigris, articulo primo, apice excepto, flavo-testaceo; pronoto seriebus decem macularum parvarum nigrarum notato, seriebus duabus intermediis appropinquatis parallelis, seriebus duabus lateralibus mediis retrorsum divergentibus, seriebus duabus externis inter se et cum margine laterali antico pronoti parallelis, marginibus lateralibus anticis pronoti angustissime reflexis; scutello linea media percurrente aurantiaca et præterea maculis numerosis parvis nigris signato, maculis his præsertim lateralibus obliquis transversis et in series sex obliquas dispositis, maculis punctis acervatis formatis pone apicem irregularibus et sicut etiam basi plus minusve anastomosantibus; parte coriacea hemelytrorum libera nigro-maculata; corpore subtus pallide flavo-testaceo, capite subtus utrinque vittis duabus, una juxta bucculas, altera prope marginem lateralem, cæruleis nitidis ornato; lateribus pectoris et ventris punctis nonnullis cæruleis adpersis; maculis parvis apicalibus femorum, maculis basali et apicali superioribus punctisque nonnullis in sulco superiore tibiarum nec non carina anteriore tibiarum anticarum cæruleo-nitidis; articulis duobus apicalibus rostri apiceque tarsorum nigris. Long. 11 1/2, Lat. 6 1/2 mill.

Africa centralis (HOLUB.)

Segmentum genitale exempli descripti mutilatum.

Insectum hoc novum, sicut etiam species ceteras a celeberrimo viatore E. HOLUB in Africa centrali collectas et in sequentibus descriptas, mecum benevole communicavit Dom. Lad. DUDA.

✓3. CANTAO AFRICANUS n. sp.

Rufus, pronoto scutelloque distincte punctatis, opacis; capite laevigato, nitido, vertice basi et tylo toto nigris, aeneo-virescentibus, in certo situ violaceo-indutis; antennis nigris; pronoto antice versus latera punctis duobus rotundis, postice maculis duabus oblongis discoidalibus nigris notato, angulis lateralibus obtusis, haud spinosis; scutello maculis octo nigris signato, maculis tribus basalibus (duabus rotundatis in angulis basalibus, una media oblonga), duabus lateralibus rotundatis ante medium, duabus oblique transversis mox pone medium, una rotundata ante apicem positis; membrana nigro-fusca; corpore subtus nitido, pectore, pedibus, macula oblonga discoidalibus postica ventris spiraculisque segmenti sexti ventralis nigro-violaceis, aeneo-nitentibus; angulis posticis et limbo postico prostethii rubris; parte inferiore capitis, maculis pectoris ad coxas, maculis utrinque quatuor marginalibus subconfluentibus ventris segmentoque genitali maris aeneo-viridibus, hoc apice rotundato-truncato, mutico. ♂. Long. corp. 20 mill.

Congo; communic. Dom. L. DUDA.

*C. ocellato* THUNB. similis, vitta nigra capitis percurrente, margine antico prostethii concolore segmentoque genitali maris processu destituto divergit.

✓4. CRYPTACRUS PRINCEPS n. sp.

Late obovatus, obscure violaceus; margine costali imo corii basin versus, angulo postico mesostethii, limbis lateralibus et postico metastethii ventreque corallino-rubris; maculis parvis lateralibus ventris ad spiracula, maculis tribus subconfluentibus segmenti sexti ventralis anoque nigris; mesosterno et metasterno pallidis; scutello apice rotundato-truncato, apicem abdominis haud superante. ♀. Long. 20, Lat. 11 mill.

Niam-Niam; communic. Dom. L. DUDA.

A *C. comite* FABR. differt statura latiore et minus parallela, corpore superne immaculato, violaceo, ventre maximam ad partem rubro, pectoris disco pallido lateribusque anticis pronoti obsolete marginatis.

✓5. CAURA MODESTA n. sp.

Late ovalis, supra griseo-flavescens, opaca, capite, pronoto et scutello dense subtilissimeque punctulatis; rostro apicem versus antennisque nig-

ris, harum articulo primo pallido, articulo secundo lurido-testaceo; marginibus lateralibus anticis pronoti rectis, angulis lateralibus obtusiusculis, inermibus; hemelytris sat fortiter et irregulariter nigro-punctatis, rubro-indutis, limbo costali griseo-viridi; membrana fusco-aenea; corpore subtus flavo-testaceo, obsolete punctulato; connexivo immaculato; pedibus lurido-testaceis, tibiis viridi-indutis. ♀. Long. 11 mill.

Africa centralis (HOLUB).

*C. rufiventri* GERM. affinis, hemelytris superficie corporis reliqua fortius punctatis, pectore et ventre immaculatis pedibusque totis pallidis diversa.

✓6. DIPLOXYS (PARACOPONIA) HOLUBI n. sp.

Anguste obovata, sordide flavo-testacea, dense subtilissimeque fusco-punctata, punctis capitis et pronoti decoloribus; marginibus imis lateralibus capitis lineisque duabus subtilissimis utrinque tylum terminantibus nigris, jugis apice obtusis, anterius totis contiguis; angulis lateralibus pronoti in spinam acutam extrorsum et antrorsum productis, fusco-testaceis et cum limbis lateralibus anticis et posticis nigro-punctatis, apice ipso nigris; scutello in angulis basalibus macula longitudinali laevigata callosa instructo parte apicali medio obtuse carinato; hemelytris, margine costali excepto, levissime infuscatis, nigro-punctatis; membrana subhyalina, obsolete fusco-venosa; ventre remote punctato, utrinque vitta laterali nigro-punctata signato, angulis posticis segmenti sexti acutis, oblique extrorsum productis, apice imo nigris, spiraculis nigris, connexivo immaculato; femoribus apice inermibus. ♀. Long. 12, Lat. inter angulos laterales pronoti 6, ad basin scutelli 5 mill.

Africa centralis (HOLUB).

Species a congenericis distinctissima et ad novum subgenus referenda. Subgenus hoc novum, inter subgenera *Coponia* STÅL et *Diploxyis* s. str. locandum, notis sequentibus illustrari potest:

✓PARACOPONIA n. subg.

Juga apice obtusa, anterius contigua. Anguli laterales pronoti in spinam acutam producti. Scutellum ante medium utrinque callo longitudinali instructum. Femora apice inermia. Anguli postici segmenti ultimi ventris acuti, producti.

✓7. STOLLIA CRUCIFERA n. sp.

Ceruleo-nigra, nitida, subtiliter punctata, capite pectoreque densius et fortius punctatis; capite latitudine sua cum oculis brevior; pronoto margine antico angustissime, marginibus lateralibus anticis, fascia trans-

versa inter angulos laterales ducta et medio antrorsum curvata vittaque media percurrente laevigatis, aurantiacis; marginibus lateralibus anticis pronoti rectis, angulis lateralibus rotundatis, vix prominulis; margine costali corii basin versus limboque apicali scutelli laevigatis, callosis, aurantiacis; membrana nigro-fusca, angustissime albido-limbata, apicem abdominis paulo superante; angulis posticis metastethii, limbo ventris segmentisque genitalibus flavo-testaceis; scutello lato, corio distincte brevior et in angulis basalibus macula laevigata callosa pallida destituta, frenis scutello dimidio brevioribus. ♀. Long. 7 mill.

Africa centralis (HOLUB).

Colore caeruleo-nigro signaturisque aurantiacis distinctissima.

Antennae et pedes in exemplo descripto desunt.

✓8. MENIDA DISTANTI n. sp.

Anguste ovalis, dilute sordide straminea, nitida, supra sat dense et distincte fusco-punctata, pronoto posteriori scutelloque basi plus minusve acervatim nigro-punctatis; capite nigro, macula parva utrinque ad oculos lineisque tribus longitudinalibus, parallelis, laevigatis, pallidis, lateralibus medio interruptis; lobo antico pronoti nigro, marginibus antico et lateralibus, linea intramarginali antica utrinque abbreviata, lineis obliquis intramarginalibus lateralibus, macula minuta utrinque in disco cicatricum laevigatarum posita et pone has cicatrices fascia leviter undulata, medio subinterrupta et cum linea intramarginali antica conjuncta laevigatis, callosis, pallidis; scutello litura subbasali media nigra notata; corio intus griseo-flavescente, vittula minuta subapicali media obliqua laevigata straminea praedita; membrana hyalina; corpore subtus nigro, pectoris maculis ad coxas angulisque posticis, disco ventris connexivoque toto, cum pedibus et antennis, flavo-testaceis; marginibus lateralibus anticis pronoti leviter rotundatis. ♂. Long. 5 1/2, Lat. 3 mill.

Africa centralis (HOLUB).

*M. transversae* STÅN. maxime affinis, differt colore pallido, marginibus lateralibus anticis pronoti rotundatis et disco ventris testaceo.

✓9. MECOSOMA SPINOSUM n. sp.

Subanguste ovale, sordide fusco-ferrugineum, distincte punctatum, hic illic obsolete nigricanti-nebulosum; lobo antico pronoti maculis nonnullis parvis laevigatis subcallosis praeditis, marginibus lateralibus anticis medio distincte sinuatis, angulis lateralibus in spinam latiusculam horizontalem acutam extrorsum productis; scutello macula subbasali media obsoleta nigricante notata et in angulis basalibus foveola nigra sub-

rotundata instructo; hemelytris densius punctulatis, prope angulum internum corii nigro-fumatis; membrana fusca, limbis lateralibus usque ad apicem sordide hyalinis; angulis apicalibus segmentorum abdominis leviter productis, spinosis; connexivo nigro-maculato. ♀. Long. 15, Lat. inter angulos laterales pronoti 8 1/2, ad basin scutelli 6 3/4 mill.

Quilimane; communic. Dom. J. THALHAMMER, S. J.

A speciebus reliquis angulis lateralibus pronoti et apicalibus segmentorum abdominis in spinam acutam productis distinctissima.

✓10. DINIDOR VICARIUS n. sp.

Niger, opacus, capite, pronoto et scutello densissime subtiliterque ruguloso-punctulatis, pronoto et scutello praeterea transversim rugosis; jugis apice contiguas, haud reflexis; articulo secundo antennarum articulo primo triplo, articulo tertio dimidio longiore; marginibus lateralibus anticis pronoti vix reflexis, totis fere rectis, concoloribus; scutello basi macula parva media triangulari laevigata subcallosa aurantiaca ornata, parte apicali late sanguineo-limbata; hemelytris obsolete punctulatis, corio margine costali distincte rugoso-punctato et sanguineo-limbato; membrana nigra, apicem abdominis nonnihil superante; pectore subtiliter punctato, concolore; ventre subtilissime punctulato, disco fere laevigato, aenescante, lateribus maculis quinque rotundatis, laevigatis, callosis, aurantiacis praedito, macula ultima parva; connexivo sanguineo. ♀. Long. 18, Lat. 9 mill.

Africa centralis (HOLUB).

Prima species hujus generis americani in mundo antiquo detecta, *D. impicticollis* STÅN. maxime affinis et simillima, statura autem nonnihil angustiore acetabulisque impictis differre videtur.

Articulus quartus antennarum exempli descripti mutilatus.

FAM. COREIDAE.

11. HOMOEOCERUS FUSCICORNIS n. sp.

Oblongo-elongatus, supra griseo-testaceus, dense subtiliterque fusco-punctatus, marginibus lateralibus pronoti et corii flavo-albidis; oculis sessilibus; antennis griseo-fuscescentibus, breviusculis, corpore dimidio vix longioribus, sat validis, articulo primo capite paulo longiore, articulo secundo primo distincte longiore, articulo tertio primo aequilongo, articulo quarto primo distincte longiore, articulo tertio primo aequilongo, articulo quarto rufo-testaceo et precedente distincte brevior; articulis rostri fere aequae longis; marginibus lateralibus anticis pronoti rectis, angulis lateralibus rotundatis, haud prominulis; margine imo apicali corii nonnihil incurvato, membrana fusca; metanoto dorsoque abdominis pallidis, hujus parte

apicali nigra; corpore subtus cum rostro et pedibus sordide stramineo, partim in virescentem vergente; lateribus pectoris maculis duabus, lateribus ventris maculis sex punctiformibus nigris notatis; abdomine haud ampliato. ♂. Long. 13 1/2, Lat. 4 mill.

Africa centralis (HOLUB).

*H. pallenti* FABR. affinis, differt antennis brevioribus et minus gracilibus, harum articulo primo capite vix longiore et articulo quarto tertio distincte brevior, nec non articulis secundo et tertio rostri longitudine aequalibus.

12. HYPSELONOTUS BALTEATUS n. sp.

Capite, fascia subapicali transversa pronoti et scutello rufo-testaceis; pronoto pone impressionem transversalem anticam rufescenti-et flavescenti-testaceo, distincte nigro-punctato, maculis duabus magnis triangularibus basalibus nigris, antrorsum ultra medium extensis et profunde fissis notato, annulo collari stramineo; hemelytris nigris, margine imo costali fasciaque latiuscula transversa pone medium corii sordide flavescens, membrana apicem abdominis superante; pectore ventreque eburneis, marginibus basalibus meso-et metastethii nec non segmentorum ventralium angustissime nigris; coxis femoribusque rufescentibus; tibiis, tarsis, antennis et rostro nigris, hujus articulo basali pallide flavescens. ♀. Long. 11, Lat. 3 mill.

Africa centralis (HOLUB).

*H. interrupto* HAHN affinis et similis, articulis duobus apicalibus antennarum basi concoloribus, pictura pronoti, tibiis tarsisque nigris distinctus.

Species hujus generis hucusque tantum ex America meridionali et centrali cognitae fuerunt.

FAM. LYGAEIDAE.

13. ISCHNOCORIDEA n. g.

Corpus elongatum, angustum, depressum. Caput parvum, ante oculos prominulos breviter productum; bucculis minutissimis. Rostrum pone coxas anticæ extensum. Antennæ capite pronotoque simul sumtis paullo longiores; articulo primo brevi, apicem capitis æquante. Pronotum vix longius quam latius, antrorsum sensim angustatum, marginibus lateralibus sensim levissime rotundatis, obtusis. Scutellum æquilaterum. Hemelytra parallela, margine apicali corii recto. Acetabula antica postice oclusa, coxis anticis marginem posticum prostethii haud attingentibus. Podes breviusculi; coxis intermediis leviter distantibus; femoribus anticis subtus serie spinularum armatis, femoribus posticis inermibus.

A genere *Ischnodemo* FIEB., cui acetabulis anticis postice clausis structuraque hemelytrorum affinis, femoribus anticis multispinis differt.

ISCHNOCORIDEA ELEGANS n. sp.

Nigra, nitidula, punctata, parce breviterque puberula; antennis, rostro et pedibus ferrugineo-testaceis; articulo quarto antennarum, basi excepta, apiceque articuli tertii nigris; striola discoidali et sutura clavi nec non vitta obliqua a basi usque ad angulum internum corii extensa albido-testaceis; membrana rite explicata, apicem abdominis haud attingente, sed segmentum dorsale ultimum abdominis detectum relincente, nigro-fusca, nigro-venosa, extus pone angulum apicalem corii macula magna triangulari alba notata; femoribus anticis subtus spinulis 7—8 armatis. ♀. Long. 8, Lat. 1 3/4 mill.

Ashante. (Mus. Hung.)

14. PAMERA BERGROTHI n. sp.

Elongata, nigra, opaca, parce breviterque setosa; antennis longius ab apice capitis quam ab oculis insertis, nigro-fuscis, articulo primo dimidio basali nigro, dimidio apicali flavo-testaceo; lobo antico pronoti latitudine sua paullo brevior et capite cum oculis vix latiore, pone medium latisimo; apice imo scutelli flavescens; hemelytris nigro-fuscis, limbo costali ultra medium nec non fascia prope apicem corii posita albido-testaceis, vittula discoidali brevi ante medium corii posita flavo-testacea, margine imo costali corii nigro; membrana infusata, albido-venosa; articulo secundo rostri, angulis apicalibus metastethii, apice ipso femorum anticorum, parte plus quam dimidia basali femorum posteriorum, tibiis tarsisque flavo-testaceis, apice tibiæ et tarsorum nigricante; femoribus anticis tantum in parte tertia apicali spinis præditis; tibiis anticis (♂) basin versus leviter curvatis et subtus dente medio acuto armatis. ♂. Long. 6 mill.

Addah. (Mus. Hung.)

*P. Sinae* STRÅL maxime affinis, lobo postico pronoti nigro, haud punctato hemelytrisque nigro-fuscis diversa. Articulus primus antennarum articulo basali rostri distincte brevior.

15. APHANUS (GRAPTOPELTUS) DILUTUS n. sp.

Oblongo-ovatus, flavescens-testaceus, crebre et subtilissime fusco-punctatus; antennis gracilibus, basi ima articuli primi articuloque quarto, basi excepta, infuscatis; capite, macula magna transversa discoidali lobi antici pronoti, dimidio basali scutelli, puncto discoidali pone medium corii, rostro et pectore nigris; clavo disco confuse punctato, seriebus punctorum duabus exterioribus parallelis; membrana grisea, albido-

venosa; limbo postico segmentorum pectoris pallidis; ventre femoribusque nigro-fuscis, his apice pallidis; femoribus anticis subtus dentibus duobus majoribus et denticulis nonnullis minoribus armatis, femoribus posterioribus muticis; ocellis ad oculos sat appropinquatis. ♀. Long. 7 mill.

Addah. (Mus. Hung.)

A speciebus hucusque cognitis subgeneris *Graptopelli* STÅL. antennis gracilibus, ocellis ad oculos magis appropinquatis coloreque pallido bene distinctus. Macula magna antica nigra pronoti nitidula et subtilissime punctulata.

#### FAM. REDUVIIDAE.

##### 16. CORANOPSIS n. g.

Corpus oblongum, sericeum. Caput ovale, crassiusculum, pronoto brevius, pone antennis tuberculo vel spina destitutum, versus medium latiusculum, pone oculos sensim retrorsum angustatum, partibus anteculari et postoculari longitudine subæqualibus; gula convexa. Ocelli inter se quam ab oculis magis remoti. Antennæ breviusculæ, articulo primo capite distincte longiore, articulis secundo et tertio simul sumtis primo æquilongis. Rostrum coxas anticæ attingens, articulo primo secundo distincte brevior, sed parte anteculari capitis longiore. Pronotum ante medium constrictum et impressum; lobo antico convexo, lævigato, sculpturato, angulis anticis extrorsum dentato-prominentibus, angulis posticis tuberculo majusculo instructis; lobo postico leviter convexo, subtiliter ruguloso-punctato, angulis lateralibus rotundatis, inermibus, angulis posticis obtusis, margine postico levissime bisinuato. Scutellum triangulare, ruga longitudinali retrorsum sensim elevata lævigata callosa instructum. Hemelytra abdomine paullo angustiora et hujus apicem vix superantia. Prosternum inerme; mesopleuræ antice tuberculo parvo præditæ. Abdomen medio haud dilatatum. Pedes mediocres; femoribus anticis reliquis vix crassioribus; tibiis subrectis.

Generi *Corano* CURT. nonnihil affinis, divergit articulo basali antenarum capite distincte longiore, articulo primo rostri secundo brevior, lobo antico pronoti posterius bituberculato, abdomine medio haud dilatato femoribusque simplicibus, haud nodosis.

##### CORANOPSIS VITTATA n. sp.

Cinnabarina, parce griseo-sericea; capite loboque antico pronoti lævigatis; parte anteculari capitis (linea media longitudinali excepta), macula transversa intraoculari, vitta utrinque pone oculos, gula, antennis, rostro et pedibus nigris; lobo antico pronoti vittis duabus percurrentibus, irregu-

laribus nigris signato, lobo postico fascia antica nigra utrinque versus latera cum fascia postica nigra nec marginem posticum, nec angulos laterales attingente, conjuncta ornato; scutello, ruga longitudinali excepta, nigro; hemelytris obsolotissime punctulatis, clavo toto vittaque discoidali corii ad basin nascente et retrorsum sensim latiore, sed marginem apicalem haud attingente nigris, corio apicem versus dense griseo-sericeo; membrana fusco-ænea; corpore subtus cum pedibus griseo-piloso, pectore nigro, limbo postico prostethii maculisque ad coxas cinnabarinis; fasciis basalibus segmentorum ventris anoque nigris, fascia segmenti sexti utrinque ramulum usque ad marginem posticum extensum emittente; connexivo cinnabarino. ♀. Long. 14 mill.

Africa centralis (HOLUB).

##### 17. PHONOCTONUS VALIDUS n. sp.

Rufescenti-testaceus, brevissime pilosulus; capite, articulo basali rostri, lobo antico pronoti, scutello, pectore, coxis et ventre nonnihil in subsanguineum vergentibus; antennis, articulis duobus apicalibus rostri, impressione transversali ante medium et fasciola angusta postica pronoti, fascia percurrente media maculaque prope apicem corii, fasciis subapicali et media obliqua lateralibus prostethii, limbis antico et postico mesostethii, linea transversa abbreviata et medio interrupta segmentorum ventralium, tibiis tarsisque nigris; membrana nigro-fusca; limbo postico prostethii flavo-testaceo; femoribus sordide rufescentibus, supra subtusque nigro-vittatis; angulis anticis lobi postici pronoti antrorsum paullo productis, rotundato-prominulis. ♀. Long. corp. 25, cum membrana 27, Lat. 7 mill.

Quilimane; communic. DOM. J. THALHAMMER, S. J.

*Ph. subimpicte* STÅL proximus, statura majore, capite impicte, impressione transversali pronoti nigra angulisque anticis lobi postici pronoti minus productis diversus.

Antennæ exempli descripti mutilatæ; articuli duo apicales desunt.

##### 18. COSMOLESTES FULVUS n. sp.

Oblongo-ovatus, fulvus, nitidus, parce griseo-puberulus; capite, antennis, rostro, macula media basali scutelli, apice femorum anteriorum, tibiis tarsisque nigris; lateribus partis antecularis, maculis duabus superioribus ante oculos, macula unica inter ocellos, maculis duabus lateralibus utrinque pone oculos parteque inferiore capitis, margine antico lobi antici nec non maculis quinque anterioribus et angulis posticis lobi postici pronoti, disco elevato apiceque dilatato et reflexo scutelli, puncto oblongo parviusculo discoidali dimidioque interiore marginis apicalis corii, maculis

fuscescentibus; tibiis anterioribus annulis duobus apiceque, tibiis posticis apice imo fuscis; tarsis apice nigro-fuscis. ♀. Long. 8 mill.

Addah. (Mus. Hung.)

*S. javanicae* REUT. maxime affinis et simillima, capite brevior, apice et subtus ante oculos spinis destituto, rostro superne tuberculis vel spinulis destituto, pronoto nonnihil brevior femoribusque anticis subtus spinis brevioribus armatis.

### 23. ONCOCEPHALUS ANGUSTATUS n. sp.

Valde elongatus, lurido-testaceus, glaber; capite superne granulato, parte anteoocularem postocularem cum oculis simul sumtis distincte longiore, lateribus ante oculos fusco-maculatis, parte postocularem utrinque pone ocellos tuberculo subspiniformi instructa, jugis inter antennas in spinas duas breves validas verticales productis, spatio gulari interoculari basi rostri aequilato; antennis fusco-testaceis, articulo primo capite distincte longiore, basin versus gracilescente et pallido, articulo secundo praecedente  $\frac{1}{4}$  longiore, apice imo nec non articulis duobus ultimis nigricantibus; rostro flavo-testaceo, articulo primo apice superne, articulo secundo basi ima superne et apice articuloque tertio toto nigris; pronoto latitudine sua basali distincte longiore, pone medium constricto et transversim impresso, lobo antico convexo, angulis anticis extrorsum subspinoso-productis, marginibus lateralibus mox ante impressionem transversalem tuberculo fortiter elevato, subspiniformi, nonnihil retrorsum vergente praeditis, lobo postico carinis duabus mediis retrorsum divergentibus et abbreviatis instructo, spatio inter carinas, linea intramarginali basali marginibusque imis lateralibus nigricantibus, angulis posticis acutis prominentibus, postice pallidis; scutello fusco-testaceo, apice leviter elevato; hemelytris (♀) apicem segmenti quinti abdominis attingentibus, segmentum sextum totum detectum relinquentibus, dimidio clavi postico, limbis interno et externo corii nec non limbo membranae plus minusve infuscatis, vitta clavi et vitta corii juxta suturam clavi angustis, macula areae discoidalis oblonga, vitta angustissima juxta marginem externam areae interioris membranae vittaque areae exterioris apicem et angulum basalem internam areae subattingente, ante medium externe fortiter emarginata, nigris; spinis prosternalibus majusculis rectis, apice obtusis; lateribus pectoris fusco-adsersis; dorso abdominis pone medium et vitta utrinque laterali ventris, apicem versus magis distincta, nigro-fuscis, hujus apice maculisque connexivi nigris; femoribus anticis antice, praesertim versus apicem, fusco-adsersis, margine inferiore spinulis tuberculiformibus circiter 10 armatis, postice vitta longitudinali inferiore nigra notatis, femoribus posterioribus lineis quatuor percurrentibus fuscis ornatis et praeterea

femoribus intermediis apice inferne, femoribus posticis apicem versus totis nigro-fuscis; tibiis anterioribus basi, apice annuloque medio nigris, tibiis posticis basi inferne apiceque ipso nigris; tarsis nigris, anticis basi testaceis. ♀. Long. 20  $\frac{1}{2}$  mill.

♀. Antennis glabris, tantum apice articuli secundi articulisque duobus apicalibus breviter pilosis; segmento quinto ventris apice medio profunde anguste exciso, segmento ventrali sexto valde elongato, praecedente medio duplo et dimidio longiore; segmento primo genitali secundo fere duplo longiore.

Congo; communic. Dom. L. DUDA.

*O. nigripino* STRÅL proximus, capite brevior, articulo primo antenarum longiore, scutello fusco, hemelytris (♀) abdomine brevioribus, femoribus anticis antice vitta superiore nigra destitutis, segmento ventrali sexto feminae longiore coloreque divergit.